

顏李學政

一函

正六册

顏李學考

陳樹藩題

丙辰嘉平月
陝西吏治研
究所編印

顏李學考

審定

華縣 郭毓璋 韞生

編纂

富平 張鵬一 扶萬

校閱

藍田 趙丕燮 和庭

長安 毛昌年 豐山

顏李學考叙

經世大法。學與政而已。修於己爲學。施於事爲政。一則治。歧則亂。聖哲知其然也。故智仁聖義之德。孝友任卹之行。禮樂書射之藝。貴與賤習其事也。幼與壯勵其能也。德均力齊。俗尙專一。雖有雄桀。驟難發難。雖有昏懦。驟難摧靡。是以三代之世。時有盛衰。而蒙業相安。享祚或五六百年。或七八百年。則政學畫一。人才搢拄之效。彰彰然也。秦漢以後。政學分歧。訓詁之繁。詩賦之設。經義之試。制舉之科。驅全國人才於文墨伊吾之中。而禮樂兵農經世大法。獨委之猥賤愚頑之輩。幸而無事。聽其自生。

自滅。一日禍發。學士大夫呼天哀歎。莫敢誰何。莽莽神州。奈之何。不爲五季金元。張李洪楊之事也。清初顏習齋先生發奮草野。倡明六府三物四教之學說。排斥衆議。毅然自任。李恕谷繼之。南北奔走。其道益彰。然雲霧晦冥。沉霾千載。一隙光明。終難戰勝。長夜漫漫。以至今日。今之改革。已有年矣。師人長技。號召宇內。入主出奴。日見咻呶。是果無術以救之乎。抑有其術而尙待人以求之歟。夫人不可以無學。學以應常變。濟人物爲有用。漢以後之學者。大抵安常而不可以應變。修己而不可以濟物。故治少亂多。禍患之烈。什伯於古。顏李之學。有鑒於此。齊學治

而一之。統常變而馭之。兼人物而濟之。燭計古今。指示坦途。如良醫治疾。對症發藥。哀其呻吟。拯其沉痾。吾國久病。醫方雜施。宿疾未瘳。變怪時出。藥苟經驗。能勿採取。扁鵲和緩。或卽其人。此編揭其精語。略示綱要。兩先生全書具在。針砭何用。調劑何宜。起死回生。端賴醫國國手。善求方法。則政學畫一。人才摺拄之效。或將有取於此歟。丙辰十月張鵬一識。

顏李學考凡例

一顏習齋李恕谷二先生。學行大綱。具載年譜。茲爲學者飭躬致用起見。凡年譜中有關修己勵學方法者。特爲摘錄。此外習齋言行錄。習齋記餘。恕谷後集。各書亦爲採輯。

一顏李學術。直接孔孟。三物六藝之說。發千餘年之晦塞。撥雲霧而現青天。當時師友淵源。實爲繼往開來所關。茲於學說外。列師友弟子二類。惟僅往來周旋。無關學術傳授者。姓名概不列入。弟子則有名必錄者。授受親承。薪傳之續。當於其人徵之也。

一學問之道。與年並進。而大賢造詣猛勇。少壯悉異凡夫。今日後學。尤宜借鏡策勵。茲編各條。列干支於首。另編兩先生年表。附目錄前。藉便檢查年時。

一習齋學術。得恕谷提倡。其道大光。紹述苦心。悉筆於書。今可考者約十餘種。獨以發明聖道。不避怨尤。以致駁朱學。詆制舉。黜詞章。當時道學大家。文章巨子。羣相排牴。因之百餘年來。稱道絕少。姓名氏字。若隱若顯。著作之傳。抑其次也。阮元儒林傳。附習齋於潘天成傳。唐鑑學案小識於習齋學術。指摘矯枉過正。於恕谷學術。則謂駁斥程朱。無

學無養。門戶之見。等於墨守。李慈銘。張文襄。近代鴻博也。然李之越縵堂札記。擬儒林傳序。張之書目答問。於清代理學經學二派。概不列兩先生著書姓名。學者閱其書。不復知世有顏李其人。其他固陋者。又何足言。今中國學絕道喪。窮無復之。效法歐西。何時稅駕。卽禮樂二事觀之。和神安民。豈無一二古制。詔之學官。定爲明令。而乃脫帽鞠躬。難語文野。金鼓鞀鞀。無分軍嘉。其他大經大法。如選士命官興學徵兵諸政。兩先生學說具在。足來取法。今錄其書名。列於卷首。有志之士。善觀博覽。弟子撰著。亦附錄焉。

一援引他書或鄙意有論說以案字別之。

顏習齋學考目錄

叙

凡例

習齋先生傳

習齋著書目 王崑繩著書目附

習齋年表

學說

師友

吳持明 王餘佑 郭端共 耿極

賈金玉 李明性 王養粹 張鵬舉

賈起鴻 張湛 朱世儀

張羅喆 王之徵 趙太若 劉崇文

刁申包 呂奇逢 孫弼直 魏弼直

弟子

楊計然公
張燦然
李青燦
郝文燦
案年譜
成性傳
彝趙用
倚何千
王佐里
石之
賀碩
賈德
顏珩
顏俊
顏銳
關江
徐适
顏儼
周爾

先

生之友
若劉岐
王焉
附此
彭好古
李金美
張澍
宋瑜
顏估
夏希
王學
李珣
顏重
曹可
成光

陳天錫
王延佑

朱體三
石繼搏
李仁美
朱肖文
顏鈞
王成
李秀
李順
李鍾
賈易

陳之鉉
張沐

徐之琇
孫秉彝
王恭已
馬遇樂
顏侯
李士
李培
李貞
李霖
田得
豐

羅士吉
朱敬

石觀光
齊廉
宋希
邊之
顏鎮
國之
曹敦
顏修
顏保
郝邦
品

許三禮
朱超

亡友又有賈熙宇魏鰲一彭大訓言默李

郝夢祥 郝夢麒
王源
案先生弟子李堪學行
見恕谷學考此不贅

顏習齋先生傳

王源譔

顏習齋先生。名元。字渾然。博野人。父杲。爲蠡縣朱翁義子。遂姓朱。爲蠡人。先生孕十四月而生。旣生。啼甚壯。有文在手曰。生。舌曰中。足文。蟬翅甚密。時崇禎八年乙亥三月也。戊寅。畿內兵。先生父被掠去遼東。甲申。鼎革。癸巳。爲庠生。名朱邦良。先生幼穎異。讀書二三過。輒不忘。學神仙導引。取妻不近。旣而知其妄。乃益折節讀書。朱翁以訟遁。先生被繫。而文日進。塾師異之。歎曰。此子患難不能動。豈可量乎。年二十餘。尊陸王學。未幾。歸程朱。初先生父被掠去。久之無音問。母亦他適。先生時思父涕泣。而

事朱翁媼至孝。初不知父非朱氏子也。翁納妾生子晃。稍疏先生。後見讒害。謀殺之。先生孝愈篤。媼卒。泣血數日。毀幾殆。朱氏一老翁憐之。私謂曰。若過哀。徒死耳。若祖母從來不孕。安有若父。若父異姓乞養者耳。先生大驚。訪之。信。及翁卒。乃歸顏。自宋周濂溪得陳搏僧壽涯傳。以魏伯陽水火匡廓三五至精爲太極圖。言性與天道。主靜立儒宗。程朱因之。謂之道學。以爲遠述孔孟。高出漢唐諸儒上。實雜佛老。非孔孟之真。故秦漢以來二千年。天下不得儒者之用。並佛老爲三教。而世運以雄傑爲興衰。先生初奉程朱甚謹。後以居媼喪。覺家禮有違性情者。校以

古禮非是。因悟堯舜之道。在六府三事。周公教士以三物。孔子以四教。靜坐。禪也。讀書。講注。空言也。於是著存性。存學。存治。存人。四編。以立教。名其齋曰習齋。帥門弟子力行孝弟。存忠信。日習禮。習樂。習射。習書數。究兵農火水。堂上琴。竽。弓。矢。簫。管。森列。嘗曰。必有事焉。學之要也。心有事則存。身有事則修。家之齊。國之治。皆有事也。無事則道與治俱廢。故正德利用。厚生曰事。不見諸事。非德。非用。非生也。德行。藝曰物。不徵諸物。非德。非行。非藝也。乾坤之禍。莫甚於釋老之空無。宋儒之主靜。故先生之學。以事物爲歸。未嘗以空言立教。孫徵君奇逢。容城人。時講學河